

აჭარის ავტონომიური რესპუბლიკის ტურიზმისა და კურორტების დეპარტამენტი

საშუალოვადიანი სამოქმედო გეგმა (2015–2018 წწ საშუალოვადიანი პრიორიტეტები)

საშუალოვადიანი პრიორიტეტის დასახელება:

ტურიზმის განვითარების ხელშეწყობა

დასაბუთება:

აჭარის ავტონომიური რესპუბლიკის კონსტიტუციის მე-3 მუხლის, „ვ“- ქვეპუნქტის თანახმად, ტურიზმის საკითხების გადაწყვეტა აჭარის ავტონომიური რესპუბლიკის განსაკუთრებულ გამგებლობას მიეკუთვნება, ამასთან აჭარის ავტონომიური რესპუბლიკის მთავრობის 2006 წლის 14 დეკემბრის #90 დადგენილებით დამტკიცებული, აჭარის ავტონომიური რესპუბლიკის ტურიზმისა და კურორტების დეპარტამენტის დებულების შესაბამისად, აჭარის ავტონომიური რესპუბლიკის ტერიტორიაზე, ტურიზმისა და კურორტების მოვლა-შენარჩუნებისა და განვითარების დარგში, საქართველოს ერთიანი სახელმწიფო პოლიტიკის განმახორციელებელ ორგანოს წარმოადგენს აჭარის ავტონომიური რესპუბლიკის ტურიზმისა და კურორტების დეპარტამენტი. აჭარის ავტონომიური რესპუბლიკის 2014-2017 წლების საშუალოვადიანი სამოქმედო გეგმის შესაბამისად, დეპარტამენტის 2015-2018 წლების პრიორიტეტი თავისი შინაარსითა და მოცულობით ძირითადად ორიენტირებული იქნება აჭარის ავტონომიურ რესპუბლიკაში ტურიზმის და კურორტების განვითარების ხელშეწყობაზე და რეგიონის ტურისტული შესაძლებლობების პოპულარიზაციაზე.

საშუალოვადიანი მიზანი:

აჭარის ავტონომიური რესპუბლიკის ადმინისტრაციულ ტერიტორიაზე ტურიზმისა და კურორტების სფეროში ერთიანი სახელმწიფო პოლიტიკის გატარება და მომსახურების ხარისხის გაუმჯობესება.
რეგიონში ტურიზმის განვითარების ხელშეწყობა, ადგილობრივი და უცხოელი ტურისტების რაოდენობის გაზრდა.

ძირითადი სამოქმედო გეგმა:

დეპარტამენტი, საშუალოვადიანი პრიორიტეტის ფარგლებში 2015-2018 წლებში განახორციელებს 2 პროგრამას:

- ტურიზმისა და კურორტების დარგის მართვა და მომსახურების მიწოდება;
- რეგიონში ტურიზმის განვითარების ხელშეწყობა და საერთაშორისო ბაზარზე პოპულარიზაცია.

საშუალოვადიანი პროგრამა - 1

პრიორიტეტი:

ტურიზმის განვითარების ხელშეწყობა

პროგრამის დასახელება:

ტურიზმისა და კურორტების სფეროს მართვა და მომსახურების მიწოდება

პროგრამის განხორციელების
პერიოდი:

2015-2018 წლები

პროგრამის ბიუჯეტი:

(ლარი)

დასახელება	სულ	2015 წელი	2016 წელი	2017 წელი	2018 წელი
აჭარის ა/რ ბიუჯეტი	4 200 000	1 050 000	1 050 000	1 050 000	1 050 000
მომსახურების გაწევიდან მიღებული შემოსავლები	800 000	200 000	200 000	200 000	200 000
სულ ბიუჯეტი:	5 000 000	1 250 000	1 250 000	1 250 000	1 250 000

პროგრამის მიზანი:

აჭარის ავტონომიური რესპუბლიკის ადმინისტრაციულ ტერიტორიაზე ტურიზმისა და კურორტების სფეროში ერთიანი პოლიტიკის გატარება და მომსახურების ხარისხის გაუმჯობესება.

პროგრამის აღწერა:

ქვეპროგრამა 1 - "ტურიზმისა და კურორტების დეპარტამენტის მართვა"

ტურიზმისა და კურორტების სფეროს ერთიანი სახელმწიფო პოლიტიკის ფორმირებასა და განხორციელებაში მონაწილეობა;

ტურიზმისა და კურორტების სფეროში განსახორციელებელი პროგრამების შესრულების კოორდინაცია და მართვა;

დეპარტამენტის ვებგვერდის განახლება და ოპტიმიზაცია;

ავტონომიური რესპუბლიკის ტერიტორიაზე ახალი ტურისტული და საკურორტო ობიექტების შექმნის მიზნით წინადადებების შემუშავება და წარდგენა.

ქვეპროგრამა 2 - "ტურიზმის სფეროში მომსახურების მიწოდება"

რეგიონის ღირშესანიშნაობების შესახებ ინფორმაციის შეგროვება;

ახალი ტურისტული პროდუქტის შექმნა და მიწოდება;

ახალი სერვისების დანერგვა და მიწოდება.

პროგრამის მოსალოდნელი (საბოლოო შედეგი)

ტურიზმისა და კურორტების სფეროში გატარებულია ერთიანი სახელმწიფო პოლიტიკა და გაუმჯობესებულია მომსახურების ხარისხი.

საშუალოვადიანი პროგრამა - 2

პრიორიტეტი:

ტურიზმის განვითარების ხელშეწყობა

პროგრამის დასახელება:

რეგიონში ტურიზმის განვითარების ხელშეწყობა და საერთაშორისო ბაზარზე პოპულარიზაცია

პროგრამის განხორციელების პერიოდი:

2015-2018 წლები

პროგრამის ბიუჯეტი:

(ლარი)

დასახელება	სულ	2015 წელი	2016 წელი	2017 წელი	2018 წელი
აჭარის ა/რ ბიუჯეტი	14 000 000	3 500 000	3 500 000	3 500 000	3 500 000
სულ ბიუჯეტი:	14 000 000	3 500 000	3 500 000	3 500 000	3 500 000

პროგრამის მიზანი:

რეგიონში ტურიზმის განვითარების ხელშეწყობა, ადგილობრივი და უცხოელი ტურისტების რაოდენობის გაზრდა.

პროგრამის აღწერა:

ქვეპროგრამა 1 - "რეგიონში ტურიზმის განვითარების ხელშეწყობა"

რეგიონის ტურისტული პოტენციალის პოპულარიზაცია ქვეყნის შიდა ბაზარზე;
სარეკლამო-საინფორმაციო პროდუქციის მომზადება და გავრცელება;
ფესტივალებისა და კონფერენციების ორგანიზება;
ტრენინგების ჩატარება;
ახალი ტურისტული მარშრუტების მარკირება და შედგენა.

ქვეპროგრამა 2 - "მარკეტინგული ღონისძიებების ჩატარება საერთაშორისო ბაზარზე"

რეგიონის ტურისტული პოტენციალის პოპულარიზაცია საერთაშორისო ბაზარზე;
საერთაშორისო ბაზრობა-გამოფენებში მონაწილეობა;
სარეკლამო-საინფორმაციო ტურების ორგანიზება;
ონლაინ-მარკეტინგული ღონისძიებების განხორციელება.

პროგრამის მოსალოდნელი (საბოლოო შედეგი)

გაზრდილია ადგილობრივი და უცხოელი ტურისტების რაოდენობა